

Na osnovu člana 33. Općeg kolektivnog ugovora za teritoriju Federacije BiH (Sl. novine Federacije BiH br. 54/05i 62/08), ugovorne strane Općeg kolektivnog ugovora za teritoriju Federacije BiH:

NA STRANI POSLODAVACA:

- *Vlada Federacije BiH, zastupana po Premijeru Mustafi Mujezinoviću;*

NA STRANI POSLODAVACA:

- *Udruženje poslodavaca Federacije BiH, zastupano po Predsjedniku Nihadu Imamoviću;*

NA STRANI ZAPOSLENIKA:

- *Savez samostalnih sindikata BiH, zastupan po Predsjedniku Ismetu Bajramoviću,*

U Sarajevu dana _____2010. godine, zaključuju

PROTOKOL

o vođenju pregovora radi zaključenja Kolektivnog ugovora o izmjenama i dopunama Općeg kolektivnog ugovora za teritoriju Federacije BiH

Član 1.

U pravcu realizacije Socijalnog sporazuma za period 2009-2010.godine, ovim Protokolom ugovorne strane definišu postupak i rokove za pregovore radi zaključenja Kolektivnog ugovora o izmjenama i dopunama Općeg kolektivnog ugovora za teritoriju Federacije BiH.

Član 2.

Pregovori radi zaključenja Kolektivnog ugovora o izmjenama i dopunama važećeg Općeg kolektivnog ugovora za teritoriju Federacije BiH, na inicijativu Udruženja poslodavaca Federacije BiH i prema njihovom prijedlogu izmjena i dopuna, otpočinju od dana potpisivanja ovog Protokola.

Ugovorne strane su saglasne da okvirni rok za vođenje pregovora oko zaključenja Kolektivnog ugovora o izmjenama i dopunama Općeg kolektivnog ugovora bude 90 dana, računajući od datuma iz prethodnog stava.

Ugovorne strane su saglasne da u narednom roku od 30 dana, po isteku roka iz prethodnog stava, pristupe potpisivanju Kolektivnog ugovora o izmjenama i dopunama Općeg kolektivnog ugovora za teritoriju Federacije BiH ukoliko postignu saglasnost o izmjenama i dopunama Općeg kolektivnog ugovora za teritoriju Federacije BiH.

Član 3.

Ugovorne strane su dužne u dobroj vjeri pregovarati o predmetu pregovora i učiniti razumne napore da pregovori budu uspješno okončani u planiranom roku, te se suzdržati od radnji koje bi za cilj imale neopravdano odugovlačenje pregovaračkog postupka.

Mjesto i vrijeme održavanja pregovaračkih sastanaka ugovorne strane će dogovarati sporazumno na kraju svakog sastanka.

Član 4.

Potpisivanjem ovog Protokola ugovorne strane izjavljuju da njihove delegacije koje će voditi pregovore iz člana 2 ovog Protokola imaju ovlaštenja za vođenje pregovora.

Član 5.

Pregovorima mogu prisustvovati stručnjaci za određena pitanja koja su predmet pregovora, a koje odrede ugovorne strane.

O toku pregovora vodi se zapisnik koji potpisuju sve tri strane.

Član 6.

Ovaj protokol smatra se zaključenim i stupa na snagu kada ga u istovjetnom tekstu potpišu sve tri ugovorne strane.

Ovaj Protokol je sačinjen u tri istovjetna originalna primjerka od kojih svaka strana zadržava po jedan primjerak.

Broj:

-----2010.god.

Sarajevo

Broj:

-----2010.god.

Sarajevo

Broj:

-----2010.god.

Sarajevo

NA STRANI POSLODAVACA:

Vlada Federacije BiH

Premijer Mustafa Mujezinović

NA STRANI POSLODAVACA:
Udruženje poslodavaca Federacije BiH

Predsjednik Nihad Imamović

NA STRANI ZAPOSLENIKA:
Savez samostalnih sindikata BiH

Predsjednik Ismet Bajramović

